

Dowladda Talyaaniga oo Maalgelisay Barnaamijka ay Iska kaashanayaan QM iyo Soomaaliya Si Loo Fuliyo Barnaamijka Horumarint Qaybaha Wax-soo-saarka

14 Luuliyo 2021; Muqdisho Soomaaliya. Xaflad lagu saxiixaya si rasmi ahna loogu daahfuraya deeq lacageed oo \$2 milyan oo dollar dheeri ah oo loogu talo galay horumarinta Qaybaha Wax Soo Saarka (PDSP) ee Soomaaliya ayaa Muqdisho la isagu imaanayaa Arbacad Luuliyo 14,2021.

Xafladda daahfurka waxa ay dhacaysa iyada oo uu goob joog ka yahay Mudane Khalif Cabdi Cumar,Wasiirka Ganacsiga iyo Warshadaha Dowladda Federaalka Soomaaliya, Mudane Alberto Vecchi Safiirkha Talyaaniga u fadhiya Soomaaliya,Mudane Adam Abdlemoula Ku Xigeenka Wakiilka Gaarka ah ee Xogħaya Guud Qaramada Midoobey u qabilsan Soomaaliya, Xiriiriyyaha Arrimaha Gargaarka QM u qaabilsan Soomaaliya.

Mudane Dejene Tereza,Agaasimaha UNIDO ee Waaxda Beeraha iyo Ganacsiga(UNIDO Xarunta Dhexe) sidoo kale Mudane Ygor Scarcia Khabiir UNIDO Qaybta Horumarinta Warshadaha iyo OiC UNIDO Soomaaliya, ayaa kamid ahaa marti sharafka.

Barnaamijka PSDP ee Soomaaliya waa dadaal horumarineed oo caalami ah oo ay fulisay QM ayna hirgelisay UNIDO, FAO iyo ILO oo iskaashi dhow la leh Wasaaradda Ganacsiga iyo Warshadaha, Wasaaradda Beeraha iyo Waraabka, Wasaaradda Kalluumeysiga iyo Kheyraadka Badda iyo Wasaaradda Shaqada iyo Arimaha Bulshada ee Dowlada Federaalka Soomaaliya.

Barnaamijka PSDP waxa uu wax ka qaban doontaa caqabadaha si loo furo fursadaha dhaqaalaha Soomaaliya ee abuurista shaqooyinka iyo ballaarinta fursadaha dhaqaale, gaar ahaan dhalinyarada iyo haweenka. Waxqabadyada diirada la saaray ee UNIDO, FAO iyo ILO ayaa ujeedkoodu yahay in lagu xoojiyo maamulka hay'adaha dhaqaalaha dawlada iyo kuwa gaarka loo leeyahay si ay u siiyan taageero toos ah qaybaha wax-soo-saarka iyo horumarinta shirkadaha yaryar (SME).

Barnaamijka waxaa loo qaabeeyey in si buuxda uu ula jaanqaado Qaabdhismeedka Iskaashiga Soomaaliya ee QM (2021-2025) si loogu bixiyo barnaamij iyo farsamo jawaab ah mudnaanta horumarinta dhaqaalaha oo ay Dowladda Federaalka Soomaaliya ku tilmaamtay Qorshaheeda 9aad ee Horumarinta Qaranka (NDP 9).

PDSP ayaa soo bandhigtay qoondo bilaw ah oo gaaraysa \$2 milyan oo ay bixisay Dowladda Talyaaniga iyadoo loo sii marinayo Sanduuqa Amaanada Saaxiibada Badan ee QM (MPTF).

Munaasabada, Dowladda Talyaaniga ayaa rasmi ka dhigaysa qoondada dheeriga ah ee \$2 milyan oo loogu talagalay barnaamijka PDSP, taasoo ka imaanaysa tabarucaad dheeri ah oo ay siiso QM Soomaaliya MPTF.

PDSP waxaa loo qoondeeyay inay abaabusho wadar dhan \$ 15-20 milyan muddada 4ta sano ah si looga caawiyo soo kabashada iyo horumarka dhaqaalaha Soomaaliya.

Wakiillo ka socda hay'adaha QM, saaxiibada horumarinta ee Soomaaliya iyo daneeyayaasha Soomaaliyeed ayaa sidoo kale la filaya in ay ka soo qaybgalaan munaasabada iyadoo loo marayo WebEx.

Munaasabadda daahfurka, Wasiirka Ganacsiga iyo Warshadaha ee Federaalka, Xurmadle Khaliif Cabdi Cumar, ayaa soo dhoweeyay tabarucaadka dowladda Talyaaniga. gaar ahaan, tabarucaadan dheeriga ah ee Talyaanigu siiyay barnaamijka waxay gacan ka gaysanaysaa ballaarinta isku xirka UNIDO iyo Rugta Ganacsiga iyo Warshadaha Soomaaliyeed iyo shabakadaha Unugyada Horumarinta Ganacsiga Warshadaha, kordhinta tirada shirkadaha yaryar (MSMEs) helitaanka xalalka maaliyadeed ee muhiimka ah iyadoo sidoo kale la xoojinayo doorka Wasaaradda Ganacsiga iyo Warshadaha ee ku aaddan taageeridda horumarinta qaybaha wax-soo-saarka.

“dhab ahaantii shaqada barnaamijka PSDP waa mid ay bogaadisay dowladda Soomaaliya, maadaama ay tahay mid lagu taageerayo shacabka iyo qaybaha gaarka loo leeyahay si wadajir ah iyo sidii loo taageeri lahaa kobaca dhaqaalaha Soomaaliya” ayuu sii raaciay Wasiir Khaliif.

Danjiraha dowladda Talyaaniga u fadhiya Soomaaliya, Xurmadle Alberto Vecchi, ayaa sheegay in bixinta dhaqaalaha dowladda Talyaaniga ee hoos imaanaya barnaamijka PSDP ay la jaanqaadayso istiraatijiyyadda Dawladda Talyaaniga ee Horumarinta Caalamiga ah ee la xiriirinta saaxiibada dhinacyada badan.

Wuxuu kusii daray in Shirkada Talyaaniga, oo ah garabka horumarinta ee Dawladda Talyaaniga, ay doonayaan inay dhiirrigeliyan fikradda shaqada oo ah aalad la taaban karo oo lagu xoojinayo wadajirka bulshada, nabadda iyo xasilloonida oo shardi u ah horumarka aadanaha si fursado loogu abuuro dhallinyarada iyo kuwa kale ee kooxaha nugul.

“Iyadoo loo marayo istiraatijiyyad lagu horumarinayo goobaha gaarka loo leeyahay, mas'uuliyiinta Soomaalida iyo dhiggooda caalamiga ah dhab ahaantii waxay cayaari karaan door wax ku ool ah oo wax-soo-saar leh oo muhiim u ah kordhinta helitaanka fursadaha shaqo, gaar ahaan haweenka iyo dhalinyarada,” ayay tiri Danjire Vecchi.

Wuxuu intaas ku daray, "Abuurista shaqaalaynta iyo wadahadalka joogtada ah ee u dhexeeya dowladda federaalka iyo dawladaha xubnaha ka ah federaalka oo ku saabsan arrimaha la taaban karo waxay matalayaan qodobo muhiim ah oo lagu taageerayo Soomaaliya si loo gaaro himilooyinka sida horay loogu sii sameeyay ee Ajendaha Horumarka Waara ee 2030".

Ku-xigeenka Ergeyga Gaarka ah ee Xoghayaha-Guud ee Qaramada Midoobay u qaabilsan ahna Xiriiriyyaha Arrimaha Bani'aadamnimada Soomaaliya Xurmadle Adam Abdemoula, ayaa xusay in barnaamijka PSDP ay u gogol dhigayso horumarka dhaqaale ee Soomaaliya ayna qayb muhiim ah ka tahay Ajandaha Horumarka Waara ee QM.

“Soddonkii sano ee la soo dhaafay, Soomaaliya waxay diiradda saartay gargaarka bani'aadamnimada. Iyadoo la hagaajiyay xasilloonida siyaasadeed iyo dhaqaale, waxaa loo baahan yahay isbeddel ku yimaada ujeeddooyinka gargaarka ee lagu gaarayo himilooyinka horumarka. Hadda waa waqtigii la furi lahaa dadaallada horumarinta,” ayuu yiri Abdemoula.

Xurmadle Adam Abdemoula oo sii wada hadalka “Waxaan ku gaari karnaa hadafkan kor u qaadida hab-nololeedka waara, abuurista shaqaalaynta, siinta helitaanka barnaamijyada xirfadaha horumarinta, kor u qaadida silsiladaha wax-soo-saarka leh, taageerida dadaallada ku salaysan baahida ganacsiga, iyo fududeynta helitaanka dhaqaalaha shirkadaha.

Isagoo Dawladda Talyaaniga uga mahadcelinaya maalgelinta wajiga koowaad iyo kan labaad ee bilawga ah ee barnaamijka, wuxuu sidoo kale ku casuumay daneeyayaal badan iyo deeq-bixiyeyaasha inay ku soo biiraan barnaamijka oo ay taageeraan UNIDO, FAO iyo ILO sida ay uga go'an tahay inay gacan ka geystaan horumarinta qaybaha wax-soo-saarka Soomaaliya.

Isagoo ka hadlaya xarunta dhexe ee UNIDO ee magaalada Vienna, Agaasimaha Waaxda Ganacsiga Beeraha (Agro-Business) ee UNIDO, Dejene Tezera wuxuu sheegay in hay'addu door ka qaadan doonto isku dubaridka barnaamijyada horumarinta dhaqaalaha Soomaaliya.

Iyadoo la marayo barnaamijka PSDP oo hoos imaanaya hoggaanka UNIDO oo kaashanaysa FAO iyo ILO, saddexda hay'ad waxay ka faa'iidaynsanayaan aagaggooda aasaasiga ah ee farsamada iyo khibradda gaarka ah si wax looga qabto caqabadaha shaqo-abuurka iyo helitaanka fursadaha dhaqaale, gaar ahaan haweenka, dhallinyarada, iyo kooxaha kale ee nugul ee ka tirsan bulshada Soomaaliyeed.”

Wixii macluumad dheeraad ah, fadlan la xiriir: office.somalia@unido.org